



Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 1. Pontificis studium circa Aulæ suæ emendationem.

[urn:nbn:de:hbz:466:1-66641](#)

HISTORIÆ ECCLESIASTICÆ *LIBER CLXI.*

PIUS IV. PONTIFEX MAXIMUS, FER-
DINANDUS I. OCCID. IMP.

§. I.

Pontificis studium circa Aulæ suæ emendationem.

Cum interea Patres reliqua Synodi negotia summo studio promovereant, ipse etiam Pontifex omnem in eo impedit sollicitudinem, ut Romanam Curiam emendaret, atque Episcopos ad residendum obstringeret. Evidem circa primum articulum Paulus III. prorsus insignia condebat decreta, quibus ejus Successores alia adhuc addebant, inter quæ præcipuum caput summorum Pontificum electionem respiciebat, cum ab ea rectum totius Curiae regimen dependeat. Julius quoque hujus nominis tertius Pontifex post diutinam, frequentemque consultationem ad reformanda Pontificum comitia quoddam diploma dictabat, sed a legis hujus

Sæcul. XVI.
A.C. 1562.

Pallav. l. 18.
c. 17. n. 1.
§ 2. opist.
Borrom. ad
Legat. 31.
Octobr. §
Legat. ad
Borrom.
8. Nov.,

Sæcul. XVI
A.C. 1562

jus promulgatione per intempestivam mortem præpediebatur. Denique Pius IV. converso in idem propositum anno quamdam Constitutionem a se confectam ad Synodi Legatos transmisit, addito tamen præcepto, ut illam adhuc secretam tenerent, ac nemini comunicarent. Itaque Legati accepto plectoque hoc diplomate illud impense commendarunt, ac Sanctissimo Patre hæc in responsis dederunt: optamus vehementer, ut legem hanc nonnisi post longam temporis moram in opus deducendi necessitas cogat, eo quod iei de sui Successoris electione ageretur. Ceterum huic Decreto postea Gregorius XV. quosdam adjecit articulos.

Ad secundum vero caput de refundendi lege jam antea Legati decretum a se confectum ad Papam transmiserant, ut de ejus mente certiores fierent, priusquam hæc constitutio Synodi Patribus proponeretur. Hanc in rem præstolabantur, donec examen circa Sacramentum Ordinis penitus absolveretur, hanc tamen decisionem non parum maturare cogebantur propter proximum Gallorum adventum, cum hos facilius ad officium redigendos sperarent, si ipsi hoc negotium saltem jam incepimus cernerent.

§. II.

